



## **KOMUNIKADO PA PRENSA**

### **ÚLTIMO FASE DI TRABOUNAN DI MANTENSHON NA KAYA THOMAS HENRIQUEZ TA KUMINSA DJALUNA BENIDERO**

**Willemstad** - Servisio pa Obra Públiko (OW), ta informá komunidad ku djaluna 13 april 2015 benidero, ta bai kuminsá ku e último fase di trabounan di mantenshon riba Kaya Thomas Henriquez.

Lo bai habri parti di e krusada bayonèt, esta di Kaya Thomas Henriques te Kaminda Jorge Willems. Alabes lo sera Kaminda Andrew Jones, di Kaminda Brievengat te krusada bayonèt na Kaya Thomas Henriques, di moda ku lo por drecha e kaminda aki.

E trabounan lo konsistí di:

- drecha fundeshi di e kaminda
- pone un kapa nobo di asfalt
- i drecha e alseranan.

E trabounan aki ta plania pa dura mas of menos 2 siman i lo ta e lastu fase den kuadro di e proyekto “mantenshon di Kaya Thomas Henriquez”.

Den kuadro di e trabounan aki, Servisio pa Obra Públiko ta traha huntu ku Departamentu di Tráfiko di Kuerpo Polisial Kòrsou pa desviá e tráfiko. Usuarionan di kareteranan ariba mensioná por hasi uso di e kaya alternativo manera e bòrchinan ta indiká.

Servisio pa Obra Públiko ta gradisí tur habitante i usuario di e kareteranan aki adelantá pa nan kompreshon i koperashon durante ehekushon di e trabounan aki. Esakinan sigur ta na benefisio di primariamente e habitantenan, usuarionan i pueblo di Kòrsou en general.